



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Eremitæ à pueris & Angelis panis tantùm, sed miraculosè fertur.

urn:nbn:de:hbz:466:1-45653

na; aut certè rarissimè cibo preciosiore. Nam vtique carnes,
3.Reg.17.6. quas, cum pane, coruus Eliæ detulit, non erant caſſitæ, aut Ioni-
Martiaſ, lib. carum gustus attagenarum.

13.61.

V I.
Seuer. Sulp.
dial. I. c.3.

Porrò, quod Paulo & Antonio contigit, id solitario etiam alteri atq; Abbatii eius, Seuerus Sulpitius memorat euenisse. Haud longè ab eremo contigua Nilo, multa erant monasteria, è quibus, si qui maiorem virtutem mente concepissent, vt, acturi solitariam vitam, se ad eremum conferrent, non, nisi permittente Abbat, discedebant. Transgressis ad eremum, Abbatis ordinatione, panis, & quilibet alijs cibus ministrabatur. Cuidam duo pueri eum panem detulerant, adeò innocentes, vt redeuntibus aspis miræ magnitudinis veniens obuiam, quasi incantata carminibus capi se, pallioq; inuolutam ad monasteriū innoxiam deportari permiserit. Duodennis puer Monasteriū, quasi vīctor, ingressus, in occursum fratrum captiuam bestiam, resolute pallio, non sine iactantie tumore, depositus. Sed cum infantiam, fidem, atq; virtutem ceteri prædicarent. Abbas ille altiori consilio, ne infirmior etas insoleceret, utrumq; virgois compescuit, multum obiurgatos, cur ipſi, quod per eos operatus fuerat Dominus, prodiſſerint: opus illud non sua fidei, sed diuina fuſſe virtutis: discent potius, Deo in humilitate seruire, non in signis & virtutibus gloriarī; quia melior esset infirmitatis conscientia, virtutum vanitate. Hoc ubi ille frater audiuit solitarius, & periclitatos infantulos serpentis occursu, & ipsos insuper multa verbera, victo serpente, meruisse, Abbatem obsecrat, ne sibi post hæc ullus panis aut cibus aliquis mitteretur. Iamq; octauus dies fuerat emensus, quo se homo Christi, infra periculum famis, ipſe concluserat. Arebant membra iejunio, sed deficere meas ca-
lo intenta non poterat. Corpus inedia fatiscebat, fides firma durabat: cum interim admonitus Abbas ille per Spiritum, ut discipulum visita-
ret, pia ſollicitudine cognoscere cupiens, qua vita substantia vir fidelis
vteretur, qui ministrari ſibi panem ab homine noluifſet, ad requiren-
dum eum ipſe Abbas proficiſcitur. At ille, ubi eminus ſenem venire
confexit, occurrit ei obuiam: agit gratias, dicit ad cellulam. Cum
ingressi pariter ambo, confſciunt palmiciam ſportam calido pane conge-
ſtam, foribus affixam, de poſte pendore: ac primū panis calidus ſenti-
tur odore, tactu vero, ac ſe ante paululum foco effeſt ereptus, ostenditur.
Ægypti tamen panis forma non cernitur: obſtupefacti ambo, munus
coeleſte cognofſunt: cum ille hoc Abbatis aduentu præſtitum fateretur;
Abbas vero illius fidei ac virtuti adſcriberet; ita ambo coeleſtem panem

CHM

cum magna exultatione fregerunt. Quod cum Abbas ad monasterium post regressus fratribus retulisset, tantus omnes incenderat ardor animarum, ut certatim ad eremum & sacras solitudines ire properarent.

Cuperem horum imitatores existere; non qui ad eremum, sed saltem qui, in ieunio, sequerentur, ponerentque illam nimiam animi curam: tanquam si inualetudinem contracturi & morituri essent, si consuetis cibis abstinerent. Quasi non de cœlo vires venirent meliores? quasi non Angeli ministrarent, ubi hominum focus deest? Quid necesse est argenteis aureisque ferulis mensam onerare? etiam pane viuit homo. Et quem Deus conuiuam facit, non replet lautijs. Optimum condimentum est inedia. Melius ipsis panis sapit, quam Apicijs nostris *Et pictis anas enouata pennis;* & Tuscus aper, & pauones, & conchylia,

*Et questorum terra pelago ciborum
Ambitiosa fames, & lautæ gloria mensæ.*

VII.

Lucan.lib.4.

Quam multi pauperes, ieunantium diuitum mensas, epularum suarum loco, acceptarent? Siquidem, nec, cum festiuissime vivunt, etiam opifices dura opera exercentes, tot fercula vident. Ieiunium Dominorum, & Matronarum quale est? offa calida; pisces frigidi, omnis generis lactucæ; vuæ passæ, amygdalæ, prunamelle condita, omnis generis electuaria; omnis generis fructus; saccharei panes; boli vino Massico ebrij; & quid non? Cum Deus suos amicos vult mensa epulōque honorare, panem apponit, & limpidi fontis aquam. Quis tantæ sapientiae ascribat errorem? nouit, quid optimum sit; nouit, quid pro fit dilectis suis.

Nunquid Deus supplantat iudicium? aut omnipotens subvertit, quod Iob.8.3.

iustum est? Neque ergo habent, quod querantur, qui preciosè non possunt comedere, sed potius, ob quod se beatos existiment; neque quod iacent & gloriantur, qui regio luxu lasciuunt, & conviuantur, more Sardanapali. Quis venenum bibere gaudet? Credibile est, ipsum Socratem antè, quam cicutam biberet, suspirauisse. Animæ venenum, est corporis sagina, & hostem alit, qui alit carnem. Hinc dixit Iob: *ante, quam comedam, suspiro;* quia Iob.3.24.

scilicet coactus hostem meum nutrio, & facio fortiorern. Ut autem cibo corpus, sic ieunio nutritur virtus. Didacus Lopesius⁷ Bonifacius lib.2.c.44.

Medinæ præfectoris prouinciarum, teste Bonifacio, tantus erat Deipatitor, ut non solum, omnibus perigilijs festa eius præcedentibus,